



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Kurtzes Handtbüchlein/ vnd Experiment/ vieler Artzneyen/  
durch den gantzen Körper des Menschens/ von dem  
Haupt biß auff die Füß**

**Ryff, Walther Hermann**

**Straßburg, Anno M.DC.XIV.**

Zu den Gebrandten Glydern.

**urn:nbn:de:hbz:466:1-43769**



Braunellen wurzel mit Gersten mäl temperiret/  
vertreibet das wilde Feuer.

Coriander safft mit Essig vermengt/ ist gut für S.  
Anthonius Feuer.

Seltreiß kraut gestossen vnnnd gemischet mit Hauswurtz  
vnd Nachtschatten/ vnd auff ein enzündt Glyd  
gethan/ heilet das zuhand.

Weiß Lilien wurzel gebraten/ darnach gestossen/  
vnd darunder gemischet Rosenwasser/ nimpt das wild  
Feuer/ also darauff gelegt stehts ohn vnderlass.

Meerlinsen löschet das wild Feuer/ die darauff ge-  
legt/ gleich einem pflaster.

Teuffels Abbis wurzel gestossen/ vnnnd gelegt auff  
ein enzündt Glyd/ löschet das bald.

Süner Darm auff ein enzündt Glyd gethan / be-  
nimpt die hitz.

Magsamen bletter in Essig gesotten/ vnnnd auff S.  
Anthonius Feuer gelegt/ es löschet.

Portulaca gestossen mit Essig/ vnd auff S. Antho-  
nius Feuer gelegt/ es heilet.

Wegdritt gebraucht/ löschet das wilde Feuer.

Tag vnnnd Nacht samen gestossen mit Hauswurtz/  
vnd Essig/ löschet das wilde Feuer.

Breiten Wegerich safft mit Hauswurtz vermengt/  
löschet das wilde Feuer.

Welcher andem Leib ein Glyd hette das enzündt  
were von hitz/ der lege darauff Seyffen/ sie zeucht die  
hitz heraus/ vnnnd macht das Glyd wider kommen zu  
natürlicher wörme.

### Zu den gebrandten Glydern.

Ibisch wurzel gesotten/ vñ gelegt auff die statt/ da  
sich ein Mensch verbrenndt hat/ zeucht auß grosse hitz.

Meamta gepülvert/ gesotten mit Gersten wasser/  
vnd bestrichen/ wa sich einer gebrenndt hette/ es bringt  
vil hitz heraus.



## Von allerhand Arhney/

Wullkraut blätter mit Lßig vermischet/ vnd gelegt  
auff ein verbrandt Glyd/ es hilfft.

Weiß Gilgenwurtzel gesotten vnd gestossen/ darun-  
der gemischer Rosenöl/ ist fast gut für den brandt an  
dem Leib/ so man die statt damit bestreicht.

Welcher sich verbrenndt hette/ der siede Leinsamen  
in wasser fast wol/ vnd neze ein Dūch darin/ vnd lege  
es auff den Brand/ es hilfft wol.

Breiten Wegertch safft / oder die blätter gestossen/  
vnd auff ein verbrandts Glyd gelegt/ mit einem weiß-  
sen eines Eyes es heilet sehr darvon.

Terra Sigillata gelegt auff ein verbrandtes Glyd/  
machtet das bald heilen.

Maurpfeffer vermengt mit Wegdritt/ vnd auff die  
verbrandten Glyder gelegt/ es heilet die.

Welcher sich verbrennt hette mit Sewr oder pul-  
ver/ der leg gebrante Lattichblätter darauff/ es zeucht  
die Hitz darauff von stundan.

S. Johans kraut gestossen/ vnd gelegt auff ein ver-  
brandt Glyd/ zeucht viel Hitz auß/ vnd mindert den  
schmerzen.

## Cap. xxxv. Für die Pestilenz.

**S** Der menig safft mit Sawrampfferwasser ge-  
mischer/ ist gut wider die Pestilenz.

Sawrampffer wasser mit Tyriack gemischt/  
ist gut wider die Pestilenz.

Aaron kraut vñ wurtzel gestossen/ vnd den safft ge-  
druncken/ benimpt die Pestilenz.

Welcher drincket von Bolo Armeno mit Sawr-  
ampffer wasser/ in der zeit so das Böß ding registert/  
der ist darfür sicher/ das ihn das nicht antompt/ vnd ist  
einem jeglichen ein vorbehaltung.

Naterwurtz gepuloert/ mit Tyriack vnd Endivien-  
wasser eingenommen/ ist sonderlich gut für die pesti-  
lenz.

Seygen